

## GJALDSKRÁ

### skipulags- og byggingarmála í Múlaþingi.

#### 1. gr.

##### *Gatnagerðargjald.*

Af öllum nýbyggingum og viðbyggingum í þéttbýli í Múlaþingi skal greiða gatnagerðargjald samkvæmt gjaldskrá þessari, sbr. 12. gr. laga um gatnagerðargjald nr. 153/2006.

Gatnagerðargjaldi skal varið til gatnagerðar í sveitarfélaginu og viðhalds gatna og annarra gatnamannvirkja. Gjaldinu skal þannig m.a. varið til að undirbyggja götur, leggja bundið slitlag, gangstéttar, götulýsingu, umferðareyjar og þess háttar þar sem gert er ráð fyrir því í skipulagi.

Byggingarleyfisgjöld eru innheimt sérstaklega og ekki innifalin í gatnagerðargjaldi. Stofngjöld veitna eru ekki innifalin í gatnagerðargjaldi.

#### 2. gr.

##### *Gjaldstofn gatnagerðargjalds og tímamark álagningar.*

Gatnagerðargjald er tvíþætt. Annars vegar er það vegna nýrra bygginga og hins vegar vegna stækkunar á eldra húsnæði.

Stofn til álagningar gatnagerðargjalds er hámarksnýtingarhlutfall tiltekinnar lóðar. Gjaldstofninn er ákveðinn á eftirfarandi hátt:

- a. Þegar sveitarfélagið úthlutar eða selur lóð eða byggingarrétt á lóð er gatnagerðargjald lagt á í samræmi við hámarksfermetrafjölda þeirrar byggingar sem heimilt er að reisa á viðkomandi lóð samkvæmt gildandi deiliskipulagi eða samkvæmt lóðablaði. Nýtingarhlutfall skal að lágmarki vera 0,25. Þó skal aldrei miða álagninguna við herra nýtingarhlutfall en 0,4 fyrir einbýlishús.
- b. Þegar gatnagerðargjald verður ekki lagt á skv. a-lið, eða ef byggingarleyfi er veitt fyrir stærri byggingu en álagning skv. a-lið var upphaflega miðuð við, er við útgáfu byggingarleyfis lagt á gatnagerðargjald í samræmi við fermetrafjölda þeirrar byggingar sem byggingarleyfi tekur til. Gildir þá jafnframt:
  1. Gatnagerðargjald skal innheimt vegna stækkunar byggingar sem nemur fermetrafjölda stækkunar.
  2. Gatnagerðargjald skal innheimt ef reist er ný og stærri bygging í stað annarrar á sömu lóð sem stækkuninni nemur. Gildir þessi regla um byggingar sem samþykkt er byggingarleyfi fyrir allt að fimm árum eftir að leyfi er gefið fyrir niðurrifi byggingar. Að öðrum kosti skal greiða fullt gatnagerðargjald.
  3. Þegar veitt er byggingarleyfi fyrir endurbyggingu, breytingu eða breyttri notkun húsnæðis þannig að hún færist í hærri gjaldflokk, sbr. 4. gr. skal greiða gatnagerðargjald sem svarar til mismunar hærri og lægri gjaldflokksins. Lóðarhafi, eða byggingarleyfishafi þar sem það á við, á ekki rétt á endurgreiðslu ef bygging færist í lægri gjaldflokk við slíka breytingu.
- c. Sveitarfélagið getur með samkomulagi við eigendur óbyggðra lóða eða lóðasvæða í einkaeigu innan þéttbýlismarkna samið um að sveitarfélagið vinni að gatnagerð fyrir viðkomandi lóðir og fari með skyldur vegna gatnakerfisins í samræmi við gildandi lög og skipulag. Sveitarfélagið skal þá verða eigandi að landi undir gatnakerfið. Sveitarfélagið skal með sérstakri ákvörðun um úthlutun lóðar við gatnakerfi sveitarfélagsins leggja á gatnagerðargjald í samræmi við a-lið. Ákvörðun um úthlutun lóðar við gatnakerfi sveitarfélagsins skal fara fram þegar aðkoma að lóð um gatnakerfið er greið.

Hafi gatnagerðargjald verið lagt á í samræmi við a-lið 2. mgr. skal ekki greitt af viðbyggingu nema að því leyti sem viðbyggingin felur í sér herra nýtingarhlutfall en fyrri álagning byggðist á, þó ekki í tilvikum þar sem hámark skv. 1. mgr. 4. gr. um einbýlishúsalóðir á við.

## 3. gr.

*Útreikningur gatnagerðargjalds.*

Við álagningu gatnagerðargjalds skv. a-lið 2. mgr. 2. gr. skal gatnagerðargjald reiknað út frá fermetrafjölda skv. tilgreindu hámarksnýtingarhlutfalli lóðar. Sé þess óskað að byggja meira en nýtingarhlutfall lóðar segir til um skal greiða gatnagerðargjald miðað við það nýtingarhlutfall. Um einbýlishúsalóðir gildir þó alltaf, að aldrei skuli miða álagningu við herra nýtingarhlutfall en 0,4.

Við álagningu gatnagerðargjalds skv. b-lið 2. mgr. 2. gr. skal gatnagerðargjald reiknað út frá raunfjölda fermetra byggingar, hvort sem um er að ræða viðbyggingu, endurbyggingu, breytingu notkunar eða önnur tilvik.

Af hverjum fermetra skal greiða ákveðinn hundraðshluta byggingarkostnaðar pr. fermetra vísitöluhúss fjölbýlis eins og hann er hverju sinni samkvæmt útreikningum Hagstofu Íslands á grundvelli laga nr. 42/1987 um vísitölu byggingarkostnaðar. Hundraðshluti byggingarkostnaðar ákvarðast eftir hústegund svo sem hér segir:

Einbýlishús með eða án bílageymslu	6,50%
Par-, rað- og keðjuhús, með eða án bílageymslu	6,00%
Fjölbýlishús með eða án bílageymslu	4,00%
Verslunar-, skrifstofu- og þjónustuhúsnæði	5,20%
Iðnaðar- og geymsluhúsnæði	4,50%
Aðrar byggingar	3,00%

Fjárhæðir taka breytingum 1. dag hvers mánaðar í samræmi við breytingu á byggingarkostnaði vísitöluhússins (273.679 kr./m<sup>2</sup> í nóvember 2022).

## 4. gr.

*Undanþágur frá greiðslu gatnagerðargjalds.*

Undanþegnar greiðslu gatnagerðargjalds eru eftirtaldar byggingar:

- Óeinangruð hús, minni en 15 fermetrar.
- Óupphituð svalaskýli íbúðarhúsa sem eru 20 fermetrar eða minni.

## 5. gr.

*Sérstök lækkunarheimild gatnagerðargjalds.*

Umhverfis- og framkvæmdaráði er heimilt skv. 6. gr. laga nr. 153/2006 að lækka eða fella niður gatnagerðargjald af einstökum lóðum í sveitarfélaginu við sérstakar aðstæður svo sem vegna þéttingar byggðar samkvæmt skilgreiningu í aðalskipulagi, sérstakrar atvinnuuppbyggingar, lítillar ásóknar í viðkomandi lóð eða eftirspurnar eftir leiguhúsnæði.

Birta skal lista yfir lóðir sem eru til úthlutunar. Á listanum skulu koma fram upplýsingar um hlutfall afsláttar af viðkomandi lóðum, sem ákveðið hefur verið á grunni 1. mgr.

Umhverfis- og framkvæmdaráði er enn fremur heimilt að lækka eða fella niður gjöld vegna sérhæfðs félagslegs húsnæðis, svo sem sambýla fyrir fatlað fólk, þjónustuíbúða fyrir aldraða og félagslegs leiguhúsnæðis enda sé slíkt húsnæði í eigu stofnana, félagasamtaka eða félaga sem ekki eru rekin í ágóðaskyni. Þinglýsa skal kvöð á umrætt húsnæði um að greiða skuli gatnagerðargjald af því ef það fellur af einhverjum ástæðum ekki lengur undir ákvæði þetta.

Sé meðaldýpt jarðvegs nýskipulagðra og óúthlutaðra byggingarlóða á burðarhæfan jarðveg meiri en 3 metrar frá botnplötu (lægsta gólfi) húss er veittur afsláttur af gatnagerðargjaldi samkvæmt neðangreindu:

Dýpt undir gólfplötu:

- Fyrir hverja 10 cm neðan 2 m frá botnplötu (lægsta gólf) reiknast afsláttur upp á 2%. Heildar-afsláttur verður þó aldrei hærri en 75% af gatnagerðargjaldi lóðar.
- Við ákvörðun jarðvegsdýptar niður á burðarhæfan jarðveg skal miða við upplýsingar um leiðsögukóta húss og jarðvegsdýpt skv. mælingu sem staðfestist af starfsmanni Múlaþings.

Afsláttur skv. 4. mgr. er ekki veittur af lóðum á svæðum sem skilgreind eru sem miðbæjarsvæði í aðalskipulagi.

## 6. gr.

*Gjalddagar og greiðsluskilmálar.*

Gjalddagi gatnagerðargjalds er við lóðarúthlutun. Gjalddagi gatnagerðargjalds í öðrum tilvikum en við úthlutun lóðar miðast við útgáfu byggingarleyfis.

Eindagi gjalda samkvæmt gjaldskrá þessari er 30 dögum eftir gjalddaga.

Að beiðni greiðanda er heimilt að seinka eindaga gatnagerðargjalds þannig að eindagi allt að 75% gjaldsins sé 6 mánuðum eftir gjalddaga og eindagi allt að 50% gjaldsins sé 12 mánuðum eftir gjalddaga.

## 7. gr.

*Ábyrgð á greiðslu gatnagerðargjalds.*

Lóðarhafi leigulóðar og eigandi eignarlóðar ber ábyrgð á greiðslu gatnagerðargjalds.

## 8. gr.

*Endurgreiðsla gatnagerðargjalds.*

Gatnagerðargjald skal endurgreitt í eftirtöldum tilvikum:

- Ef lóðarhafi skilar úthlutaðri lóð eða ef lóðarúthlutun er afturkölluð eða fellur niður, sbr. reglur sveitarfélagsins um úthlutun lóða.
- Ef gatnagerðargjald hefur verið greitt í tengslum við útgáfu byggingarleyfis, en leyfið fellur úr gildi.

Gatnagerðargjald skal endurgreitt innan 90 daga, vegna endurgreiðslu skv. a-lið 1. mgr., sama gildir um gatnagerðargjald sem lagt hefur verið á í tengslum við útgáfu byggingarleyfis sbr. b-lið 1. mgr., en þá skal gatnagerðargjald endurgreitt innan 90 daga frá því að byggingarleyfishafi hefur sannanlega krafist endurgreiðslu.

Um endurgreiðslu fer að öðru leyti skv. 9. gr. laga um gatnagerðargjald nr. 153/2006, sbr. breytingalög nr. 6/2009.

Endurgreiðsla gatnagerðargjalds vegna lóða sem úthlutað var eða byggingarleyfi veitt á, fyrir gildistöku laga nr. 6/2009 þann 4. mars 2009, skal verðbætt, án vaxta, miðað við vísitölu neysluverðs frá greiðsludegi til endurgreiðsludags.

## 9. gr.

*Eldri samningar og skilmálar um gatnagerðargjald.*

Um samninga um gatnagerðargjald af tilteknum lóðum, sem lóðarhafar eða lóðareigendur hafa gert við Múlaþing og forvera þess fyrir gildistöku gjaldskrár þessarar, svo og skilmála varðandi gatnagerðargjald, sem sveitarstjórn hefur sett fyrir sömu tímamörk og lóðarhafi og lóðareigandi hafa undirgengist, fer eftir þágildandi gjaldskrá.

## 10. gr.

*Uppbyggingargjald vegna svæða utan þéttbýlis.*

Af leigulóðum utan þéttbýlis í Múlaþingi þar sem ekki er lagt á gatnagerðargjald, en sveitarfélagið kemur að uppbyggingu gatna og úthlutar leigulóðum, skal greiða uppbyggingargjald samkvæmt gjaldskrá þessari. Fjárhæð gjaldsins vegna hvernar lóðar reiknast skv. 3. gr. Eindagi gjalds í heild er 30 dögum eftir úthlutun lóðar. Greiðsludreifing er ekki heimil. Byggingarleyfisgjöld og stofngjöld veitna eru innheimt sérstaklega og ekki innifalin í lóðargjaldi. Að öðru leyti gilda sömu ákvæði um uppbyggingargjald og gatnagerðargjald, sbr. 2.–9. gr.

## 11. gr.

*Afsláttur á árinu 2023.*

Ákvörðun um afslætti af gatnagerðargjöldum og skilyrði fyrir þeim, sbr. 12. gr. laga um gatnagerðargjald nr. 153/2006, er tekin af umhverfis- og framkvæmdaráði og staðfest af sveitarstjórn.

## 12. gr.

*Gjöld vegna byggingarleyfis og -heimildar.*

Fyrir hverja framkvæmd sem er háð byggingarheimild eða -leyfi skal innheimt viðeigandi gjald. Innifalið í gjaldinu er lögboðin meðferð byggingaerinda, lóðarblað (einungis á úthlutuðum lóðum frá Múlaþingi), ein yfirferð aðaluppdráttar og séruppdráttar, útmæling fyrir lóð, byggingarreit, húsi og hæðarkóta, öryggis- og lokaúttekt (eitt skipti á hvora) og eftirlit byggingarfulltrúa samkvæmt byggingarreglugerð nr. 112/2012.

Tegund byggingar	Kr.
Flokkur A: Íbúðar- og frístundahúsnæði	
1. Einbýlishús	234.636
2. Par-, rað-, tvíbýlis- og keðjuhús, pr. íbúð	199.441
3. Fjölbýlishús, pr. íbúð	117.318
4. Frístundahús	164.245
Flokkur B: Atvinnu- og þjónustu- og stofnanahúsnæði	
1. Gólfplötur allt að 500 fermetrar	234.636
2. Gólfplötur á bilinu 501-1.000 fermetrar	469.272
3. Gólfplötur yfir 1.000 fermetrar	703.908
Flokkur C: Önnur hús, hvers konar viðbyggingar, bílgeymslur og gripahús	
1. Nýbygging eða viðbygging allt að 80 fermetrar	117.318
2. Nýbygging eða viðbygging frá 81-500 fermetrum	211.173
3. Nýbygging eða viðbygging frá 501-2.000 fermetrum	410.613
4. Nýbygging eða viðbygging yfir 2.000 fermetrum	703.908
Flokkur D: Annað	
1. Breytingar á mannvirki: útlitsbreytingar og innra skipulag yfir 5% af hjúpflati	70.391
2. Niðurrif eða afskráning mannvirkja	41.061
3. Endurnýjun byggingarleyfis eða -heimildar	16.425

## 13. gr.

*Afgreiðslu- og þjónustugjöld vegna mannvirkjamála.*

Gjalddagi afgreiðslu- og þjónustugjalda vegna mannvirkjamála miðast við útgáfu viðkomandi vottorða og er ákveðinn samhliða því að önnur þjónusta er veitt.

	Tegund þjónustu	Gjald í kr.	Athugasemdir
1	Eftirlit, úttekt og skráning vegna lausafjarmuna í óleyfi	38.186	Eftirlit, úttekt og skráninga byggingarfulltrúa vegna geymslu lausafjarmuna, sbr. 2.6.1. gr. byggingarreglugerðar nr. 112/2012
2	Útgáfa stöðuleyfis	45.729	Útgáfa stöðuleyfis, sbr. 2.6.1. gr. byggingarreglugerðar nr. 112/2012, í allt að 12 mánuði
3	Lóðarúthlutunargjald	53.570	Greiðist við úthlutun lóðar og er óendurkræft, þó úthlutun gangi til baka
4	Fokheldisvottorð	21.477	
5	Aukavottorð um byggingarstig og stöðuúttekt	32.091	T.d. vegna byggingarstiga, stöðuúttektar, byggingarstjóra- eða meistaraskipta
6	Lokavottorð og lokaúttekt	40.429	
7	Eignaskiptayfirlýsingar – samþykkt og skráning	14.970	
8	Eignaskiptayfirlýsingar – yfirferð	41.061	Eða aðkeypt vinna skv. reikningi
9	Umsagnir vegna leyfisveitinga	32.091	T.d. umsagnir vegna rekstrar- og vinnveitingaleyfis o.fl.
10	Yfirferð aðaluppdráttar	26.397	Umfram eina sem er innifalin í gjaldi skv. 12. gr.
11	Yfirferð séruppdráttar	17.598	Umfram eina sem er innifalin í gjaldi skv. 12. gr.
12	Lóðarleigusamningur að beiðni lóðarhafa	29.941	Við bætist þinglýsingarkostnaður

	<i>Tegund þjónustu</i>	<i>Gjald í kr.</i>	<i>Athugasemdir</i>
13	Umsýslugjald vegna stofnunar lóða á landi í einkaeigu	29.941	
14	Umsýslugjald vegna útsetningar lóðarmarka að beiðni lóðarhafa á hnitsettri lóð	14.970	
15	Skannaðar teikningar og ljósritaðar teikningar, stærri en A4-blöð	698	Á einnig við um teikningar sem sendar eru rafrænt
16	Skönnun/prentun vottorða, staðfestinga og annarra slíkra skjala í A4 og A3	698	Gjald pr. blaðsíðu
17	Gjöld vegna aðkeyprtar vinnu, t.d. yfirferð séruppdráttá		Samkvæmt reikningi
18	Lágmarksgjald vegna móttöku byggingarleyfisumsóknar	14.970	Ef hætt er við útg. byggingarleyfis skal innheimta lágmarksgjald
19	Breyting á skráningu byggingar	14.970	
20	Afgreiðslugjald vegna tilkynnta framkvæmda	29.941	
21	Staðbundin viðurkenning iðnmeistara eða á starfsemi byggingarstjóra	14.970	
22	Tímagjald skipulags- og byggingarfulltrúa	17.598	Gjald pr. klst.
23	Grenndarkynning	38.107	

Gjöld skv. 12. og þessari grein eru óendurkræf þótt lóðarúthlutun og/eða byggingarleyfi eða -heimild falli úr gildi.

## 14. gr.

*Gjöld vegna framkvæmdaleyfis og -heimildar.*

Innheimta skal gjald fyrir hverja þá framkvæmd sem framkvæmdaleyfi er gefið út fyrir.

Gjald samkvæmt eftirfarandi töflu eru innheimt við útgáfu framkvæmdaleyfis.

	<i>Tegund þjónustu</i>	<i>Gjald í kr.</i>	<i>Athugasemdir</i>
1	Afgreiðslugjald	7.622	
2	Framkvæmdarleyfi – framkvæmdir skv. 1. og 2. viðauka laga um umhverfismat framkvæmda og áætlana nr. 111/2021	152.431	
3	Framkvæmdarleyfi – aðrar framkvæmdir	76.216	
4	Framkvæmdarheimild – minni framkvæmdir	29.941	
5	Eftirlit umfram það sem er innifalið í framkvæmdarleyfisgjaldinu	17.598	Tímagjald aðkeypt vinna, skv. reikningi skipulagsfulltrúa og/eða aðkeypt vinna skv. reikningi
6	Grenndarkynning	38.107	

## 15. gr.

*Gjöld vegna vinnu eða breytinga á skipulagsáætlunum.*

Sé þörf á að vinna skipulagsáætlun eða gera breytingu á henni vegna leyfisskyldra framkvæmda getur sveitarstjórn innheimt gjald fyrir skipulagsvinnu sem nauðsynleg er vegna þeirrar framkvæmdar, samkvæmt eftirfarandi töflu. Gjaldið skal ekki nema hærri upphæð en nemur kostnaði við skipulagsgerðina og kynningu og auglýsingu skipulagsáætlunar og eru einstakir gjaldaliðir því settir fram til viðmiðunar.

Gjalddagi gjalda vegna skipulagsáætlana miðast við það þegar vinna fer fram og/eða kostnaður fellur til.

	<i>Tegund þjónustu</i>	<i>Gjald í kr.</i>	<i>Athugasemdir</i>
	Kostnaður vegna aðalskipulagsbreytinga:		
1	Afgreiðslugjald	7.622	
2	Breyting á aðalskipulagsuppdrætti, sbr. 36 gr. skipulagslaga		Aðkeypt vinna skv. reikningi
3	Umsýslu- og auglýsingakostnaður, sbr. 1. mgr. 36. gr. skipulagslaga	182.916	
4	Umsýslu- og auglýsingakostnaður, sbr. 2. mgr. 36. gr. skipulagslaga	106.701	

	<i>Tegund þjónustu</i>	<i>Gjald í kr.</i>	<i>Athugasemdir</i>
	Kostnaður vegna deiliskipulags:		
1	Afgreiðslugjald	7.622	
2	Nýtt deiliskipulag, sbr. 2. mgr. 38 gr. skipulagslaga		Aðkeypt vinna skv. reikningi
3	Umsýslu- og auglýsingakostnaður, sbr. 2. mgr. 38. gr. skipulagslaga	182.916	
4	Veruleg breyting á deiliskipulagsupprætti sbr. 1. mgr. 43 gr. skipulagslaga		Aðkeypt vinna skv. reikningi
5	Umsýslu- og auglýsingakostnaður vegna verulegra breytinga sbr. 1. mgr. 43. gr. skipulagslaga	106.701	
6	Óveruleg breyting á deiliskipulagsupprætti sbr. 2. og 3. mgr. 43. gr. skipulagslaga		Aðkeypt vinna skv. reikningi
7	Umsýslu- og auglýsingakostnaður vegna óverulegra breytinga sbr. 2. mgr. 43. gr. skipulagslaga	76.216	
8	Grenndarkynning	38.107	

## 16. gr.

*Ýmis ákvæði.*

Öll gjöld önnur en gatnagerðargjald samkvæmt gjaldskrá þessari eru miðuð við vísitölu byggingarkostnaðar september 2022, grunnur 2009, 174,1 stig. Endurreikna skal gjöldin í upphafi hvers almanaksárs, á grundvelli vísitölu byggingarkostnaðar í janúar og gilda til loka viðkomandi árs.

Upphæð gjalda skv. 12. og 13. gr. skal taka mið af kostnaði við þjónustu og einstök verkefni og skal byggð á rekstraráætlun þar sem rökstudd eru þau atriði sem ákvörðun gjalds byggist á. Gjaldið má ekki vera herra en sá kostnaður.

Öll gjöld samkvæmt gjaldskrá þessari eru ásamt áföllnum vöxtum og kostnaði tryggð með lögveðsrétti í viðkomandi fasteign og eru aðfararhæf skv. 10. tl. 1. mgr. laga um aðför nr. 90/1989. Framkvæmdaleyfisgjöld og gjöld vegna skipulagsvinnu njóta þó ekki lögveðsréttar. Séu gjöld ekki greidd á eindaga skulu reiknast dráttarvextir frá gjalddaga, skv. ákvæðum laga nr. 38/2001 um vexti og verðtryggingu.

Kostnaður lóðarhafa vegna lóðar sem er skilað eða byggingarleyfi afturkallað af, vegna atriða er varða lóðarhafa, svo sem hönnunar- og rannsóknakostnaður á lóðinni eða framkvæmdir áður en byggingarleyfi er gefið út, er ekki endurgreiddur af sveitarfélaginu. Staða lóðarhafa fer þá eftir gildandi verklagsreglum vegna lóðaskila eða öðrum ákvörðunum sveitarstjórnar.

Sé lóð afturkölluð eða byggingarleyfi fellt úr gildi eftir að undirstöður eru fullgerðar, eða á síðari stigum byggingarframkvæmda, skal dómkveðja tvo matsmenn til að verðleggja þær framkvæmdir sem unnar hafa verið, enda hafi þær verið teknar út og viðurkenndar af byggingarfulltrúa. Kostnað vegna matsins greiða sveitarfélagið og lóðarhafi að jöfnu. Múlaþing skal leysa til sín lóðina með mannvirkjum á grundvelli mats hinna dómkvöddu matsmanna að frádreginni hlutdeild lóðarhafa í kostnaði vegna matsgerðarinnar.

## 17. gr.

*Heimildarákvæði.*

Sveitarstjórn er heimilt að undanþiggja einstök hverfi, götur eða landsvæði ákvæðum 3. gr. að öllu leyti ef sveitarfélagið semur við einn og sama framkvæmdaraðila að taka að sér að byggja öll mannvirki á svæðinu og ganga að fullu frá götum, bifreiðastæðum, opnum svæðum o.s.frv. Í slíkum tilfellum skal framkvæmdaraðili greiða sveitarsjóði sem nemur að minnsta kosti 15% af útreiknuðu samanlögðu gatnagerðargjaldi til að standa straum af kostnaði við tengigötur. Sveitarsjóður skal eftir sem áður yfirtaka rekstur þeirra gatna sem lagðar eru með framangreindum hætti.

18. gr.

*Samþykkt og gildistaka.*

Gatnagerðargjald byggist á lögum um gatnagerðargjald nr. 153/2006 og reglugerð um gatnagerðargjald nr. 543/1996.

Byggingarleyfisgjald og afgreiðslu- og þjónustugjöld vegna mannvirkjamála byggjast á 51. gr. laga um mannvirki nr. 160/2010.

Gjöld vegna framkvæmdaleyfa og vinnu við skipulagsáætlanir byggjast á skipulagslögum nr. 123/2010, sbr. 20. gr. laganna, sjá einnig 18. gr., sbr. 2. mgr. 38. gr. laganna.

Gjaldskrá þessi sem var samþykkt í sveitarstjórn Múlaþings 14. desember 2022, öðlast gildi við birtingu í B-deild Stjórnartíðinda. Við gildistöku þessarar gjaldskrár fellur úr gildi gjaldskrá nr. 540/2022.

*Múlaþingi, 16. desember 2022.*

**Björn Ingimarsson** sveitarstjóri.

---

B-deild – Útgáfudagur: 3. janúar 2023